

字謂告又不得燒奏卓錢并用油燈油紙  
焚焚所奏

第五戒者真君降日不得食葷辛雜肉及黑  
鯉魚雲臺菜胡萎馬齒莧大蒜七星魚等  
物及不得令氣息相近

第六戒者婦人年未五旬者不得令近神座  
及童僕身上氣息臭穢者亦不得令詣前  
常務潔淨以奉上真

第七戒者常若奏對真靈不得北向涕唾及  
旋溺不潔

已上七戒能持否能持云

真君昔奉天專教救凡甲子庚申每月三七  
日下降人間受人之醮祭察人之善惡修學  
功過年命長短衆等依科行道當奉此七戒  
以檢飭身心無招罪戾庶使真靈降格款納  
勤誠魔精消伏斷滅不祥過去起生見存獲  
慶生人安泰國土清平衆當明知無忘于心  
奉戒如法

請稱法位  
具位 且某等謹重誠上啓

太上無極大道三十六部專經玄中大法師  
靈寶主教五師真君三天聖師奉玄上相真  
君玉堂演教侍宸仙衆三界十方一切真宰  
悉仗真香普同供奉宜意事悃已宣聖聰昭  
聽復念且等謬以凡庸輒司科教懼檢身之  
弗類恐獲戾于上真貪請備員不容避職獨  
洗埃氛之累宣行教典之嚴伏望玉京山應  
壇所俯垂佑助流真炁於且等身中令得齋  
事克成衆真來格共等不勝延佇懇禱之至  
謹啓以聞

四向

道門科範大全卷之六十三

道門科範大全卷之六十四

廣成先生杜光庭定

真武靈應大醮儀

啓壇行道

法事陞壇如式

各禮師存念如法

宣衛靈呪

東方

九炁青天 明星大神 煥照東鄉 洞映九門  
轉燭陽光 掃穢除氛 開明童子 號曰玄卿

備衛我軒 上對帝君 收魔束妖 討捕兇羣  
奉承正道 赤書玉文 九天符命 攝龍驛傳

普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

上有赤精 合契虛皇 開明靈童 號曰華房

總統火兵 備守玉堂 斬邪束妖 剪截魔王

北帝所承 風火莫當 流鈴交煥 翊衛壇場

正道流行 敢有已狂 我事上功 坐運魁罡

億劫長存 保天無疆和與道合真

西方

七炁素天 太白流精 光耀金門 洞照太冥  
中有素皇 號曰帝靈 係神安鎮 衛我身形  
斷絕邪源 王道正明 宮殿整肅 三景齊并  
道合自然 飛昇紫庭 靈寶符命 普惠萬生  
元皇正炁 來合我身 功加一切 天地咸寧  
和與道合真

北方

五炁玄天 元始徘徊 辰星煥燦 光耀太微  
黑靈尊神 號曰層威 統冠飛天 仙裙羽衣  
備衛五門 檢精捕飛 敢有干試 豁落斬摧  
玉符所告 神鎮八威 邪門閉塞 正道明開  
朕照我身 三光同輝 策空駕浮 舉形仙飛  
和與道合真

中央

一炁黃天 調理乾坤 陶鑄陰陽 總統玄真  
鎮星吐輝 沉煥九天 開明童子 號曰天璣  
元炁陽精 焰上未煙 洞照天下 及巨等身  
百邪摧落 殺鬼萬千 中山神呪 普天使然  
五靈安鎮 身飛上仙 和與道合真

鳴法鼓二十四通

無上三天玄元始三炁太上道君太上老君  
召出巨身一三五功曹左右官使者左右捧  
香驛龍騎二侍香金童傳言散花玉女五帝  
直符直日秀官合三十六人出出者嚴裝顯  
服冠帶垂之開啓玄壇土地方域神真臣今  
陞壇行道講奏為宜其諸情悃已錄告聞  
願得太上十方至真道炁靈寶瑞光下降流  
入巨身中令臣所啓速達徑御  
太上無極大道

昊天玉皇上帝御前

請稱法位

具位臣某與合壇眾官等以今正爾燒香以  
是功德奉為  
天子王侯百辟僚屬經籍度師山林宮樓修

真之士同學之人九親姻族天下人民飛行  
動植一切眾生今故燒香歸身歸神歸命  
太上十方靈寶自然至真無上大道乞賜原  
赦臣等及歷二某家前世今生無違之罪得  
免離三災八難十苦九厄之中身得道真飛

行虛空白日昇天侍衛道君道遙無上金闕  
七寶自然宮永與道合所啓靈應上御  
至真無極道前

重稱法位

具位臣某與合壇眾官等謹同誠上啓

太上無極大道元始天尊太上大道君太上  
老君太上昊天玉皇上帝九皇上尊十方無  
極太上靈寶天尊已得道大聖眾至真諸君  
丈人三十六部尊經玄中大法師北極佑聖  
真武靈應真君三界應感一切真靈臣某伏  
聞金闕化身誕玉宮而勇猛乾元有特視五  
嶽以齊名萬真率仰於威靈六合無逃於巡  
察輒舉彤庭之醮仰延早壽之臨恭惟北極  
佑聖真武靈應真君丕揚神武之靈茂著陰  
方之位妙功不測沖用潛通靈京邑之上腹  
有龜蛇之現象允升地寶發涌神泉掬清潤  
之雲漿徧愈都人之疾建琳琅之寶宇遂成  
聖水之名加以徽稱昭其懿實普及蒙瀛之  
內咸知變化之神矧惟靖邦素彰殊應宜欽  
承之敢急冀享佑以潛臻臣職在宣揚理難

緘默況奉詞旨敢不上聞

宣詞

按如詞言丹誠懇切且等謹為沐浴五體澄煉六情依崇真謝聖之科祈注祿延祥之澤施壇列篆法地象天所齋鎮信供養之具證質丹誠以今日今時啓壇依儀行道至某日某時關奏上真請福延生祈恩謝過輒依齋法宿以啓聞恩惟

太上三清十方大聖垂神鑒映省覽所陳乞敕勒靈官屬土地真官一合同心併力營衛掃蕩內外清淨壇場降伏妖魔滅滅邪祟使臣等心安神定思念立感啓奏御達善功成就無有空滯所願隨心且等雖佩正真參修大法處身五濁染跡六塵三關未調六情放誕先憑禁戒然後登壇格降上真導迎靈貺上明

十二願

復爐

卷八

十

謹攝香官使者左右龍虎君侍香諸靈官當今臣向來靜夜行道之所自然生金液丹碧芝英百靈衆真交會在此香火爐前當願十方仙童玉女接待蘭煙傳臣向來所啓之誠速達徑御

至真無極大道

昊天玉皇上帝 御前

出堂頌

出戶

道門科範大全集卷之六十四

道門科範大全集卷之六十五六十六 六十七 同卷 啓九

三洞經 弟子仲勵修

真武靈應大醮儀

清旦行道

法事陞壇如式

各禮師存神如法

宣衛靈呪

青陽虛映 耀日回靈 神虎辟邪 飛天流鈴 推好滅兇 萬魔東形 九微回道 八威攝精 千真校錄 三元蕩清 左嘯中黃 右策六丁 七轉八合 周旋天經 聖化蕪魏 大道興行 慶雲流布 合景黃庭 亦與道合真

鳴法鼓二十四通

無上三天玄元始三炁太上道君太上老君 召出臣身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓闕啓玄壇土地方域神真且今清旦行道謹奏為宣意其諸情悃已錄告闕願得太上十方至真道炁靈寶瑞光下降流